

Na osnovu člana 3. stav 3. Zakona o novčanim podrškama u poljoprivredi i ruralnom razvoju (Sl. novine FBiH br:42/10) i člana 55. Statuta općine Ilijaš- prečišćeni tekst («Službene novine Kantona Sarajevo broj: 20/09 i 46/18) i člana 90. Poslovnika Općinskog vijeća Ilijaš («Službene novine Kantona Sarajevo broj: 19/22), Općinsko vijeće Ilijaš na svojoj 17. sjednici održanoj 30.05.2022. godine d o n o s i :

O D L U K U

o novčanim podrškama u poljoprivrednoj proizvodnji na području općine Ilijaš za 2022. godinu

Član 1.

Ovom Odlukom se uređuje sistem novčanih podrški u primarnoj poljoprivrednoj proizvodnji na području općine Ilijaš za 2022. godinu (u daljem tekstu podrške) i to:

- a) namjena podrški
- b) izvor i visina novčanih podrški
- c) korisnici novčanih podrški
- d) uslovi za ostvarivanje prava na novčane podrške

Član 2.

Namjena podrški :

Tekuća proizvodnja (animalna)
Investicijski projekti

Član 3.

Podrške mogu ostvariti pravna i fizička lica (u daljem tekstu korisnici) koji su ostvarili poljoprivrednu proizvodnju - djelatnost na teritoriji općine Ilijaš i dostave dokumentaciju o ispunjavanju opštih i posebnih uslova.

Član 4.

Opšti uslovi za ostvarivanje podrški :

Korisnik dokazuje ispunjavanje opštih uslova za ostvarivanje prava novčanih podrški slijedećom dokumentacijom:

- a) Dokazom o ažuriranom upisu u Registar poljoprivrednih gazdinstava i Registar klijenata izdat od nadležne općinske Službe;

- b) Sjedištem odnosno prebivalištem na području Općine;
 - Za pravna lica izvodom iz sudskog registra ;
 - Za registrovana fizička lica- opštinskim Rješenjem o registrovanom obrtu, odnosno obrtu srodnih djelatnosti i prebivalištem vlasnika obrta na području općine Ilijaš što dokazuje CIPS-ovom prijavom prebivališta.
- c) Za ostvarivanje prava na novčane podrške iz oblasti animalne proizvodnje, korisnici su dužni dostaviti potvrdu o veterinarskom nadzoru i stanju životinja i o provedenim mjerama utvrđenim propisima iz oblasti veterinarsko zdravstvene zaštite izdatu od ovlaštenih veterinarskih organizacija sa područja općine Ilijaš, koja obavezno sadrži brojeve ušnih markica u skladu sa propisima iz oblasti veterinarstva, osim proizvodnji iz oblasti pčelarstva.
- d) Za ostvarivanje prava na novčane podrške iz oblasti biljne proizvodnje- sadnja maline, korisnici su dužni dostaviti fakturu i fiskalni račun o plaćenom deklarisanom sadnom materijalu.
Korisnici koji su sadni materijal dobili po osnovu donacije nemaju pravo na ostvarivanje novčane podrške.
- e) Za ostvarivanje novčanih podrški za sve vrste proizvodnje i sve investicijske projekte korisnici su dužni priložiti zapisnike o ostvarenoj proizvodnji i izvršenoj kupovini sačinjene od strane Srtačne službe Ministarstva privrede Kantona Sarajevo.

Član 5.

Za svaki od vidova proizvodnje, novčana podrška se ostvaruje za proizvodnju u tekućoj kalendarskoj godini, a kod pojedinih proizvodnji (tov junadi) samo jednom u proizvodnom ciklusu.

Za sve proizvodnje korisnici su dužni izvršiti prijavu proizvodnje na način i u roku propisanom Odlukom.

Podnošenje zahtjeva počinje od dana stupanja na snagu ove Odluke i traje do 31.08.2022. godine.

Podnošenje zahtjeva za investicione projekte počinje od dana stupanja na snagu ove Odluke i traje do 30. 11. 2022. godine.

Korisnici koji ne izvrše prijavu proizvodnje u skladu sa Odlukom ne mogu ostvariti podrške u 2022. godini.

Krajnji rok za dopunu dokumentacije u podnešenim zahtjevima je 30.11.2022. god. Proizvodnje koje se završavaju u decembru 2022. godine rješavat će se u skladu sa odredbama Odluke za narednu godinu.

Član 6.

Zahtjevi za ostvarivanje prava za sve podrške podnose se na propisanim obrascima Službi za privredu i finansije općine Ilijaš.

Korisnik za sve vidove proizvodnje podnosi zahtjev samo jednom u toku godine u propisanom roku.

Uz zahtjev , koji se podnosi na propisanom obrascu, prilaže se potrebna dokumentacija (original ili ovjerena kopija) utvrđena ovom Odlukom. Dokumentacija korisnika dostavlja se na protokol općine Ilijaš i uvodi se u djelovodnik predmeta i akata i momentom upisa postaje službena dokumentacija. Općinska služba nadležna za poslove poljoprivrede dužna je provjeriti ispravnost i kompletnost dokumentacije, te poduzeti aktivnosti u svrhu eventualnih ispravljanja nepravilno popunjenih zahtjeva ili upotpunjavanja nekompletne dokumentacije.

Član 7.

Ako nadležna veterinarska organizacija dijagnosticira zaraznu bolest kod stoke , korisnik ne može ostvariti pravo na novčane podrške.

Član 8.

Vrste podrški:

Animalna proizvodnja:

1. Govedarstvo

- a) Držanje muznih krava
- b) Tov junadi
- c) Uzgoj priplodnih junica

2. Ovčarstvo

- a) Držanje ovaca

3. Pčelarstvo

- a) Držanje pčelinjih društava

Investicijski projekti :

- 1. Podrška za nabavku plastenika po modelu sufinansiranja
- 2. Podrška za zasnivanje novih zasada maline
- 3. Podrška za nabavku poljoprivredne mehanizacije i opreme
- 4. Podrška nabavke steonih junica
- 5. Podrška za gradnju proizvodnih kapaciteta kroz sufinansiranje troškova za izdatu građevinsku dozvolu.

Član 9.

Iznos novčanih podsticaja po jedinici i vrsti ostvarene i zasnovane proizvodnje

r/b	VRSTA PODRŠKE	Iznos sredstava KM/jedinici mjere	Norme i limiti za podsticaj
Animalna proizvodnja			
a)	Držanje muznih krava	125, 00KM/grlu	3 i više, za isporučioce mlijeka neograničeno, do 10 ako nije u sistemu otkupa mlijeka
b)	Tov junadi	115,00 KM/ grlu	Min.3 – max.20 grla Max.30 grla za pravna i registrovana fizička lica kao obrt
c)	Vlastiti uzgoj priplodnih junica	115,00 KM/grlu	Min 2-max 5 grla
d)	Uzgoj i držanje ovaca	12,00 KM/grlu	Min. 40- max. 100 grla
e)	Uzgoj i držanje pčelinjih društava	12,00 KM/košnici	Min. 30 max.100 košnica
Investicijski projekti			
1.	Nabavka plastenika	Po sistemu zajedničkog finasiranja sa nevladinim, humanitarnim organizacijama i korisnicima	
2.	Zasnivanje novih zasada maline	200,00KM/dunumu	Min.2-max. 5. dunuma
3.	Nabavka poljoprivredne mehanizacije i opreme	8 % od vrijednosti nabavke, max. do 7.000,00 KM	
4.	Nabavka steonih junica	10 % od vrijednosti nabavke, max.do 7000,00 KM	
5.	Podrška za gradnju proizvodnih kapaciteta kroz sufinansiranje troškova građevinske dozvole	do 60 % iznosa koštanja građevinske dozvole (renta i uređenje)	

Pored uslova iz člana 3. korisnik mora ispunjavati i slijedeće uslove:

ANIMALNA PROIZVODNJA

1. Govedarstvo

a) Podrška za držanje muznih krava

- da posjeduje najmanje tri muzne krave tokom cijele godine;
- ako posjeduje više od deset muznih krava , korisnik mora zaključiti ugovor sa registrovanim otkupljivačem ili prerađivačem mlijeka;

Korisnik dokazuje ispunjavanje posebnih uslova iz tačke 1. a) slijedećom dokumentacijom:

- dokumentacijom iz člana 4. tačke(a, c) ove Odluke;
- ugovorom o isporuci mlijeka sa registrovanim otkupljivačem;

b) Podrška za tov junadi

- da utovi najmanje 3 grla;
- maksimalan broj tovne junadi za jednu kalendarsku godinu je 20 grla;
- maksimalan broj tovne junadi za pravna i registrovana fizička lica u toku jedne kalendarske godine je 30 grla.

Podrška se ostvaruje u skladu sa uslovima koji su definisani za ovu proizvodnju kroz Pravilnik za ostvarivanje novčanih podrški Kantona Sarajevo i Federacije BiH tj. da tov traje 7 mjeseci.

Korisnik dokazuje ispunjavanje posebnih uslova iz ove tačke prilaganjem zapisnika isključivo o **završenom** tovu sačinjenog od strane Stručne službe Ministarstva privrede KS uz dokumentaciju iz člana 4.tačke(a, c) ove Odluke.

c) Vlastiti uzgoj priplodnih junica

- da je uzgojio najmanje dvije a najviše pet grla;
- da je na farmi od vlastitih grla osnovnog stada mliječnih krava uzgojio priplodne junice za remont ili proširenje osnovnog stada mliječnih krava;
- da uzgoji junice od najmanje četiri mjeseca gravidnosti;
- da posjeduje minimum jednu muznu kravu po junici

Podrška se ostvaruje u skladu sa uslovima koji su definisani za ovu proizvodnju kroz Pravilnik za ostvarivanje novčanih podrški Kantona Sarajevo (član 14.stav 2.) Korisnik dokazuje ispunjavanje posebnih uslova iz ove tačke prilaganjem zapisnika o ostvarenoj proizvodnji sačinjenog od strane Stručne službe Ministarstva privrede KS uz dokumentaciju iz člana 4.tačke (a,c) ove Odluke. Korisnik koji ostvari pravo na podsticaj za uzgoj priplodnih junica u jednoj kalendarskoj godini , nemože ostaviti pravo na podsticaj za ista grla po drugom osnovu (držanje muznih krava).

2. Podrška za držanje ovaca

- da posjeduje najmanje 40. ovaca (ovce, ovnovi i jagnjad starija od 6. mjeseca) obilježene u skladu sa Pravilnikom o obaveznom obilježavanju.

Podrška se isplaćuje za najviše 100 ovaca.

Korisnik dokazuje ispunjavanje uslova dokumentacijom iz člana 4.tačke (a, c) ove Odluke.

Pravo na ostvarivanje podrške za držanje ovaca ostvaruju korisnici koji tokom cijele kalendarske godine drže stoku na teritoriji općine Ilijaš.

3. Podrška za pčelarstvo

- da posjeduje najmanje 30. pčelinjih društava;
- podrška se isplaćuje za najviše 100. pčelinjih društava;
- priznaju se samo košnice u kojima se nalaze aktivna pčelinja društva;
- u trenutku obilaska službenika i utvrđivanja činjeničnog stanja, pčelinjak mora biti lociran na području općine Ilijaš;

INVESTICIJSKI PROJEKTI

1. Nabavka plastenika po modelu sufinansiranja

Podržava se nabavka plastenika po modelu sufinansiranja kroz obezbjeđenje nepovratnih sredstava .

Realizacija projekta će se vršiti u saradnji sa nevladinim i humanitarnim organizacijama .

Finansiranje se vrši na način :

1. Nevladine i humanitarne organizacije	40 %
2. Općina Ilijaš	40 %
3. Korisnik projekta	20 %

Projekat se realizuje u skladu sa namjenom i kriterijima nevladine organizacije uz uvažavanje socijalnog karaktera korisnika (nezaposlene osobe, demobilisani borci, šehidske porodice , RVI , višečlane porodice sa niskim primanjima, samohrane majke...)

2. Zasnivanje novih zasada maline

Za ostvarivanje prava na novčane podrške za zasnivanje novih zasada maline korisnik treba da ispunjava slijedeće posebne uslove:

- da je zasadio minimalno 2. dunuma maline sa deklarisanim sadnicama
- maksimalna površina za koju se može ostvariti podrška je 5. dunuma
- normativ sadnje maline je najmanje 800. sadnica / dunum
- sadnja maline podrazumijeva jesenju sadnju 2021.godine i sadnju u proljeće 2022. godine.

Korisnik dokazuje ispunjavanje uslova dokumentacijom iz člana 4. tačke(a, d) ove Odluke.

3. Nabavka poljoprivredne mehanizacije i opreme

Pravo na podsticaj ostvaruju poljoprivredni proizvođači koji nabave novu poljoprivrednu mehanizaciju, priključni uređaj i opremu koja je u funkciji poljoprivredne proizvodnje, a neophodna je za osnovnu djelatnost poljoprivrednog gazdinstva:

Poljoprivrednu mašinu:

- traktor ili,
- motokultivator sa odgovarajućim priključcima (min. snage 9 kw)

Priključne uređaje (kako je propisano Pravilnikom o novčanim podrškama u poljoprivredi i ruralnom razvoju FBiH)

Pravo na podsticajnu mjeru poljoprivredni proizvođači dokazuju ispunjavanjem sljedećih uslova:

- dostavljanjem fakture i fiskalnog računa o kupovini
- saobračajnom dozvolom za poljoprivrednu mašinu i priključne uređaje koji podliježu registraciji.

Za kupovinu novog traktora snage iznad 50 KW klijent na farmi mora da posjeduju min. 15 uslovnih grla a na koje je ostvario novčani podsticaj u tekućoj godini. Uslovno grlo je: jedna krava, jedno tovno june, 500 tovnih piladi/koka nosilja, deset ovaca/koza, 0,3 ha zasijane površine. Uslovna grla za koje je ostvario novčani podsticaj se kumulativno sabiraju.

Korisnici koji su ostvarili pravo na podsticaj za kupovinu nove mehanizacije i opreme za obradu zemljišta, nemogu ostaviti podsticaj za kupovinu istog sredstva u narednih pet godina (motokultivator sa priključcima, traktor i priključna sredstva).

4. Nabavka steonih junica

Za ostvarivanje prava na novčani podsticaj za kupovinu steonih junica za formiranje ili proširenje osnovnog stada mliječnih krava, kandidat treba da ispunjava sljedeće posebne uslove:

- da je u tekućoj godini kupio steone junice
- da se junice otele na gazdinstvu
- da kupljene junice uzgajaju u vlastitoj proizvodnji naredne tri godine
- podrška se isplaćuje za maksimalno 10 grla

Korisnik dokazuje ispunjavanje posebnih uslova sljedećom dokumentacijom:

- pasošima i obrascima o kretanju (C obrazac) za kupljene junice na

- području BiH
- carinskom deklaracijom, pedigreima, potvrdom o provedenom karantinu i pasošima za uvezene junice
- uvjerenjem o vještačkom osjemenjavanju i utvrđenoj gravidnosti od najmanje četiri mjeseca za kupljene junice na području BiH
- ovjerenom izjavom da će navedene junice držati u vlastitom uzgoju najmanje tri godine

Novčana podrška za kupovinu steonih junica isključuje ostvarivanje podrške po članu 9. tačka c. i tačka a. (vlastiti uzgoj priplodnih junica i držanje muznih krava) za ista grla u tekućoj godini.

5. Podrška za gradnju proizvodnih kapaciteta kroz sufinansiranje troškova za izdatu građevinsku dozvolu

Novčana podrška se ostvaruje za izdatu građevinsku dozvolu (renta i uređenje) od strane nadležnog općinskog organa za gradnju objekata isključivo proizvodnog karaktera i prerađivačkih kapaciteta u poljoprivredi, minimalno 100 m² upotrebne površine objekta isključivo u osnovici (tlocrtu objekta).

Novčana podrška za izdatu građevinsku dozvolu za objekte se daje u iznosu do 60 % koštanja građevinske dozvole.

Dokumentacija koju je potrebno dostaviti u originalu ili ovjerenj kopiji za sufinansiranje troškova za izdatu građevinsku dozvolu:

- Popunjen obrazac zahtjeva za ostvarivanje prava na podršku
- Ovjerenu kopiju građevinske dozvole iz tekuće godine odnosno iz predhodne godine ako zbog okončanja postupka izdavanja građevinske dozvole nije podnosilac zahtjeva u predviđenom roku mogao podnijeti zahtjev za podršku pod uslovom da je postupak uplate građevinske dozvole okončan do momenta podnošenja zahtjeva.
- Dokaz o izvršenoj uplati građevinske dozvole
- Pravo na ostvarivanje podrške ostvaruje se ako je građevinska dozvola izdata do kraja tekuće godine.

Član 10.

Za realizaciju Odluke zadužuje se Služba za privredu i finansije –odsjek za privredu i lokalni razvoj.

Član 11.

Sredstva za realizaciju novčanih podrški obezbjeđuju se u Budžetu općine Ilijaš za 2022. godinu.

Član 12.

1. Isplata novčanih podrški za:

- držanje muznih krava
- uzgoj i tov junadi
- uzgoj priplodnih ovaca
- podrška za pčelarstvo
- podrška za sadnju maline

vršit će se u dva dijela od po 50% na način da po isplati prvog dijela za sve korisnike započinje isplata drugog dijela.

2. Nabavka plastenika po modelu sufinansiranja će se vršiti u toku implementacije projekta na bazi odobrenja Općinskog načelnika.
3. Sufinansiranje nabavke poljoprivredne mehanizacije i opreme vršit će se u jednokratnom iznosu.
4. Sufinansiranje nabavke steonih junica vršit će se u jednokratnom iznosu.
5. Sufinansiranje troškova za izdatu građevinsku dozvolu vršit će se u jednokratnom iznosu.

Član 13.

Služba za privredu i finansije će nakon provedenog postupka o ispunjavanju uslova korisnika za ostvareno pravo na novčane podsticaje u skladu sa ovom Odlukom donijeti Rješenje.

Za sve podnešene zahtjeve nadležna služba zadržava pravo višekratne provjere do isteka kalendarske godine za činjenično stanje ostvarene proizvodnje. Ukoliko se utvrdi da su sredstva ostvarena na ime novčanih podrški utrošena nenamjenski, ili su ostvarena na osnovu lažno prikazane proizvodnje ili lažno predočene dokumentacije, nadležna općinska Služba će donijeti Rješenje o povratu sredstva, a korisnik je dužan da vratiti novčana sredstva u roku od 30 dana od dana pravosnažnosti Rješenja i novi zahtjev za ostvarivanje prava na novčane podrške za proizvodnje iz člana 8. ove Odluke može podnijeti, nakon dvije godine, od dana povrata novčanih sredstava naloženih Rješenjem.

Član 14.

Općinska služba će putem web stranice i javnog oglasa, obavjestiti poljoprivrednike o podrškama, mjerama, načinu i kriterijima koji moraju biti zadovoljeni.

Član 15.

Svi podaci po vrstama i iznosima novčanih podsticaja po okončanju postupka dodjele novčanih podrški javno će se objaviti na web stranici općine Ilijaš.


Član 16.

Ova Odluka stupa na snagu danom objavljivanja , a objavljuje se u Službenim novinama Kantona Sarajevo.

Broj: 011-02-1121-7/22.

Ilijaš, 30.05.2022.

Predsjedavajuća OV-a Ilijaš


Alma Omerovic BA.nov.

